



KEMENTERIAN KERJA RAYA

KENYATAAN MEDIA

YB MENTERI KERJA RAYA MENGETUAI DELEGASI KE SIDANG MESYUARAT MEJA BULAT DAN FORUM ASIA PASIFIK SISTEM PENGANGKUTAN PINTAR 2025 DI SUWON, REPUBLIK KOREA

KUALA LUMPUR - YB Dato Sri Alexander Nanta Linggi, Menteri Kerja Raya selaku Pengerusi Majlis *Intelligent Transport System* (ITS Council) Malaysia akan melakukan Lawatan Kerja Rasmi ke Suwon, Republik Korea pada 25 Mei 2025 bagi tujuan memenuhi jemputan *Minister of Land, Infrastructure and Transport* (MOLIT), Republik Korea. Pada kesempatan tersebut, YB Menteri Kerja Raya juga akan menghadiri Sidang Mesyuarat Meja Bulat Peringkat Tertinggi (High Level Roundtable Meeting) yang akan berlangsung pada 28 Mei 2025 di *Suwon Special City*. Sidang tersebut diadakan seiring dengan acara utama *Suwon ITS Asia Pacific Forum 2025* pada 28 hingga 30 Mei 2025 di *Suwon Convention Centre*.

2. Mesyuarat meja bulat ini turut dihadiri oleh Menteri-Menteri dan pemimpin dari negara-negara Asia Pasifik bagi membincangkan amalan-amalan terbaik dalam agenda memacu pembangunan ITS dan kelestarian sistem pengangkutan pada masa hadapan. Menerusi mesyuarat ini, setiap wakil negara dan pemimpin yang hadir mempunyai komitmen untuk mempererat lagi hubungan kolaboratif di peringkat global dan merangka hala tuju pembangunan ITS yang lebih inklusif.

3. Bagi acara utama *Suwon ITS Asia Pacific Forum 2025*, penganjur menjangkakan lebih 10,000 peserta dan 196 pempamer akan menyertai forum ini. Dari segi impak kepada negara, forum ini menjadi wadah terbaik untuk menyebarkan luas lagi visi dan strategi negara ke arah pencapaian agenda pembangunan mobiliti mampan menerusi pendayaupayaan teknologi ITS serta berkongsi pengalaman dengan pemain industri global mengenai usaha mengurus perdana teknologi *artificial intelligence* (AI) dan *big data analytics* (BDA) sebagai solusi terhadap isu mobiliti dan pengangkutan.

4. Dalam jadual lawatan kerja rasmi ini, YB Menteri Kerja Raya akan mengetuai delegasi ke Lawatan Kerja Rasmi dan perbincangan dengan agensi-agensi tempatan di Seoul dan Suwon, khususnya bagi mempelajari dan meneroka potensi kerjasama, pemindahan teknologi ITS dan pembangunan infrastruktur berteraskan teknologi baharu yang terkini.

5. Lawatan kerja itu diharapkan dapat memperkukuh lagi hubungan akrab antara Malaysia dan Republik Korea yang telah lama terjalin semenjak 1960, khususnya dalam bidang teknologi, infrastruktur dan inovasi pengangkutan pintar. Republik Korea

merupakan rakan dagangan ke-8 terbesar sepanjang tahun 2024 dengan jumlah dagangan antara Malaysia dan Republik Korea mencecah nilai RM109.34 bilion (USD23.94 bilion).

#Tamat#

KEMENTERIAN KERJA RAYA
25 MEI 2025

#KearahKesejahteraanRakyat
#myjalan
#KerajaanMADANI
#MADANIBekerja